



Terenga 6: Hōtaka 29 - He kupu whakarite

He Mihi

Kei ngā rauawaawa o ngā waka, kua whākao mai ki te whakaterere anō i tō tātou waka ki runga i te moana o Ako, nau mai ki tō koutou tumu herenga manako mō te reo.

Hei Mahi Whakarongo

Kia whakarongo ināianei ki ngā mātātahi me tā rātou waiata i pāhotia ai e Haka Nation. Anei ngā pātai hei whakautu mā koutou:

- 1) He aha tētehi tohutohu kei roto i te waiata?
- 2) He aha tētehi kupu whakarite?
- 3) He aha tētehi ingoa mō te waiata nei?


Kia rite mai ō taringa rahirahi.

He Whakamārama

Anei ētehi kupu whakarite hei whakarite i te taiao ki ngā āhuratanga o te tangata.

kapua whakapipi - <i>layers of clouds</i>	urupuhau - <i>whirlwind</i>
kautawa - <i>runners of a gourd plant</i>	pārekereke - <i>seedling bed</i>
atuapiko - <i>rainbow</i>	ngaru whakateo - <i>crested wave</i>
pōkai tara - <i>flock of birds</i>	puhimoana ariki - <i>stream of feathers</i>
rūruru tahā - <i>bundle of calabashes/loud thunder</i>	taumata okiokinga - <i>resting place/chief</i>
hūmarereko - <i>tail feathers of a bird</i>	manu taupua - <i>sentry bird while others feed</i>

He Mahi Ī-papa



Tuhia mai/Titoa mai he kupu whakarite nō te wāhanga taiao kei runga i te Īpapa e hāngai ana ki te rōpū kei tana taha.

Hei Mahi

Tuhia mai he kōrero e whakapuaki ana i tētehi o ngā kupu whakarite o mua ake nei.

1.

Whakautu:

Mahi Īpapa: Kei te whetū takiaho o te rangi. / E te kōmata o te rangi. / E Rangi e, kei taku ariki.

Hei Mahi: (Hei tauira)

E te pōkai tara o te wao nui a Tāne-te-wānanga, mō koutou i tuku mai i ō koutou mātauranga e pā ana ki ngā āhuratanga o te taiao, tēnei ka mihi atu ki a koutou. Kua whakatōkia e koutou ētehi whakaaro hou ki roto i ngā pārekereke o ō mātou hinengaro, hei hauhake mā mātou i roto i te wā.